

趙君鼎榮。黃君仲和。雷君溢潮。黃君麗生。陳君亮明。陳君孟瑜。黃君誦芬。司徒君泉。洪君少植。陳君伯清。本報記者陳月湖。與使領署人員章領事守默先生。孫領事慕唐先生。陳主事體乾先生。葉君承恩。張君梅初等。一齊會讌。惟李子賢。陳星梅。程玉書。高奎梧。關少渠。鍾汝炬。朱權如。諸先生。則因公不到。席設使署。係由太平洋酒樓接辦。約是晚七點鐘。各客即自僱大自由車齊赴使署。車馬圍門。冠裳赫耀。各盡賓主之禮。殷殷握手道歡。稍事休息。即行開讌。

刁公使贊助嶺南農科大學之介紹書照錄

茲由訪查所得。昨（四號）朝鍾榮光先生赴使晉謁刁公使。暢談甚久。公使對於鍾先生辦理嶺南大學。成績卓著。人才輩出。爲西南大學之首屈一指。極爲嘉許。甚願華僑一致贊助。並寫介紹書四封。一交中華會館。一交中華商會。一交致公堂。一交國民黨。令各社會極力幫助。俾捐款易收良果。藉養吾國農業之人才云。即將訪得公使原函錄后。

逕啓者。嶺南大學創設有年。造就多材。爲國効力。成績昭著。無俟贅

言。茲者該校副監督鍾君榮光。因謀擴充農科大學。廣植人才。造福桑梓。遠道古來。籌募基金。勞瘁不辭。熱心任事。凡我鄉人。無不佩仰。惟初蒞此邦。情形未悉。用特修函介紹。務祈共推愛國之忱。力予贊助。廣爲播揚。庶可易於集事告厥成功。則吾粵莘莘學子。靡不拜賜良多。豈獨弟與鍾君感泐已也。專布順頌台祺。惟照不備。

刁作謙謹啓

三月四日

副領事孫慕唐先生在中華總會館歡迎會演說詞

畧謂今日因中華總會館開設茶會。歡迎由祖國新到大教育家鍾君榮光。大銀行家鍾君仲芎。區君詠篤。周君文波。並及鄙人。曷勝感謝之至。鄙人奉職來此。與諸君相聚之日甚長。將來對於僑務。有何進行之事。自可隨時商榷。今日時間太促。不及細談。茲就目前兩事。簡畧爲諸君言之。

(一)中華以農立國。數千年於茲。若稍在農業上考究新法。提倡改良。物產必更豐富。卽此一端。便可富強。何用再事他求。鍾君榮光。爲教育界素有名望之人。今茲籌設農科大學。非惟專求培植人才。亦且救國